

2 Yon

Yon beleŋ sopte asaŋ ga kayyiŋ

¹Be, Yesuyen alya bereyat doyaŋ al parguwak ne gare ge bere salanŋeŋya dirinŋe weŋya Al Kurun beleŋ basaŋa dirtiŋ goke asaŋ gago kaŋ hime. Nebe denya Al Kurunyen mere fudinde gama irde hityen geb, goke deŋ ge amaŋeŋ nurde hime. Goyenbe ne po moŋ. Al Kurunyen mere fudinde goyen nurde haŋ mar gore wor tumŋaŋ deŋ ge amaŋeŋ nurd duneŋ haŋ. ²Gobe denya neŋya tumŋaŋ Al Kurunyen mere fudinde goyen nurde hite irde hugineŋ nurde hitek geb, gogo deŋ ge amaŋeŋ nurde duneŋ hite.

³Neŋya denya tumŋaŋ meremiŋ fudinde goyen po gama irde kadniniŋ yago niŋ amaŋeŋ nurd yuneŋ hityen. Niŋgeb Adoniniŋ Al Kurunya Urmiŋ Yesu Kristuya beleŋ buniŋeŋ dirde igiŋ igiŋ dirde bininiŋ yisikamke igiŋ hitewoŋ yeŋ gusuŋaŋ yirde hime.

Mere fudinde po gama irde hitek

⁴Be, dirinŋe yago kura Al Kurun beleŋ gwaha gwaha teŋ hinayiŋ dintiŋ gwahade po mataya mereya fudinde goyen po gama irde kuŋ haŋyen gote mere momoŋ nurdeb amaŋeŋ wor po nurde himyen.

⁵Niŋgeb, bere salanŋeŋ, neŋbe kadniniŋ ge amaŋeŋ nurd yuneŋ hitek. Ne beleŋ mere gahade kaŋ hime gabe saba gergeŋ niŋ ma kaŋ hime. Saba gabe neŋ beleŋ haŋkapyu Yesu gama irtirinŋe mat nurde gayenter wor nurde hite goyen goke po gineŋ hime. ⁶Irde Al Kurun niŋ fudinde wor po amaŋeŋ nurd uneŋ hitek belŋeŋbe yende saba gama irde mata teŋ hitek gogo. Sabamiŋ haŋkapyu nuramiŋ gobe kadtiŋ yago niŋ amaŋeŋ nurde yuneŋ hinayiŋ yitiŋ go goyen.

⁷Be, usi mar budam meŋ gar forok yeŋ tukuŋ haŋ. Go mar goreb, “Yesu Kristube meŋ gar forok yiriŋ gega, al heŋ ma forok yiriŋ,” yeŋ haŋyen. Saba gwahade tagalde haŋ mar gobe usi mar, irde Yesu Kristuyen asogom. ⁸Niŋgeb mel gore usi dirnak geb, keŋkela heŋ hinaŋ ko. Gogab Al Kurun niŋ meten teŋ haŋyen gote muruŋgembe soŋ ma

henayin. Yen belen metenjin gote murungem igin wor po dunyen. ⁹Al kura Yesu Kristuyen saba go hende yingenje dufay bulun manan goya irde al saba yirde hinayin marbe Al Kurunya awalikde ma po hinayin. Munan al kura sabamin fudinde goyen gama irde kun hinayin marbe Al Kurunya Urminya irde tumnan awalikde hinayin. ¹⁰Ningeb al kura Yesuyen saba mon saba hoyan ten yatinde wan saba diren tikeb al goyen yatinde ma yukunayin. Irde gargar ma po yirnayin. ¹¹Munan kuratin kura al gwahade goyen gargar iryenbe Al Kurun belen yen wor al gote meten bulun go faran urde hi yen kinyen.

¹²Be, nebe mere budam momon dirtek nurde hime gega, asande ma kayen. Gwahade yarab nigen wor wor kun denen gab mere dirmewon yen nurde hime. Gogab tumnan aman nin pultik wor po yetek.

¹³Be, babake Al Kurun belen werne yen basina irtin gote dirnen wen gore wor ge nin nurde han goyen momon irayin ninan geb, gago momon girde hime. Gogo po.